

SFS nr: 2009:600

Departemánnta/fábmudahka: **Kultuvrradepartemánnta**

Badjetjála: **Giellaláhka** (2009:600)

Almustuvvam: 2009-05-28

Lága sisadno ja ulmme

1 § Dán lágan li biejadusá dárogiela, rijkalasj unneplågogielaj ja dáro siejvvevgiela birra. Lágan li aj biejadusá sebrudagá ávdåsvåsstådusá birra vaj máhttelisvuohta vatteduvvá aktugatttaj gielav ávkkít, ja giellaávkkima birra almulasj dájman ja rijkajgasskasasj bálij.

2 § Lága ulmme la diededit dárogiela ja ietjá gielaj sajev ja ávkkimav svieriga sebrudagán. Lága ulmme la aj dárogielav ja giellamoattevuodav Svierigin suoddjit ja aktugattja máhttelisvuodav gielav ávkkít.

3 § Jus ietjá lágan jali biejadusán la soames biejadus mij dát lágas tjuolldas, de dat biejadus la fámon.

Dárogiella

4 § Dárogiella l oajvvegiellan Svierigin.

5 § Oajvvegiellan la dárogiella sebrudagá aktisasj giella, mav gájkka Svieriga årro galggi oadtjot ávkkít ja mav galggá gájkka sebrudakdájmajn máhttet ávkkít.

6 § Sebrudagán la sierra ávdåsvåsstådus vaj dárogiella ávkkiduvvá ja ávdeduvvá.

Rijkalasj unneplåggiella

7 § Rijkalasj unneplåggiella li suomagiella, jiddisj, meāngiella, románagiella ja sámeagiella.

8 § Sebrudagán la sierra ávdåsvåsståduš rijkalasj unneplåggielajt suoddjit ja ávdđånahttet.

Dáro siejvvemgiella

9 § Sebrudagán la sierra ávdåsvåsståduš dáro siejvvemgielav suoddjit ja ávdđånahttet.

Giellaadnem almulasj dájman

10 § Dárogiella l giellan duobbmoståvlåjn, tjuottjudusfåbmudagåjn ja ietjå orgånåjn ma almulasj dájmanjn bargojt ållidi.

Ietjå lågan gåvnnuji sierra biejaduså riektå birra rijkalasj unneplåggielajt ja ietjå nuorttarijkak gielav ávkkit.

Mij gullu duobbmoståvlåj ja tjuottjudusfåbmudagåj vålggogisvuohtaj dålkvå gåhttijot ja åssjetjållagijt jårggålitt gåvnnuji sierra biejaduså.

11 § Giella almulasj dájman galggå tjåbbe, ålkkke ja dådjadahhte.

12 § Fåbmudagåjn la sierra ávdåsvåsståduš vaj dáro terminologiddja ietjasa sierralågås j fåhkkadåjmåjn gåvnnu, addnu ja ávdeduvvá.

Dárogiella rijkajgasskasasj bålíj

13 § Dárogiella l Svieriga almulasj giella rijkajgasskasasj bålíj.

Dárogiella sadje almulasj giellan Europa uniåvnån galggå suoddjiduvvat.

Aktugattja máhttelisvuoda gielav ávkkít

14 § Juohkka Svieriga árruj galggá máhttelisvuodav vaddet dárogielav oahppat, ávdedit ja ávkkít. Dan nali galggá

1. gut rijkalasj unnepláhkuj gullu, máhttelisvuodav vaddet unneplågielav oahppat, ávdedit ja ávkkít, ja

2. gut la bieljedibme jali gånna bielljevahák la ja gånna ietjá árijs la siejvvemgielladárbbu, máhttelisvuodav vaddet dáro siejvvemgielav oahppat, ávdedit ja ávkkít.

Gånna l ietjá iednegiella gå giela ma diededuvvi vuostasj biehken galggá máhttelisvuodav vaddet iednegielas oahppat, ávdedit ja adnet.

15 § Sebrudahka vásstet dan ávdås vaj giella aktugattjaj vatteduvvá 14 § milta.